

**Reclamaziun: a) anc betg furni**

---

Men Luzi  
7503 Samedan

ASCOM  
Via dal Rain 7  
7000 Cuira

Samedan, ils 9-11-2006

**Reclamaziun**

Stimadas dunnas, stimads signurs

A | Avant in mais hai jau empustà tar Vus in squitschader OKI OL 400e e n'al hai anc adina betg retschet. Jau fiss fitg cuntent, sche Vus pudessas trametter el ils proxims dis u uschiglio dar part a mai quant ditg ch'jau stoss anc spetgar sin Vossa furniziun.

Cun engraziament e buns salids  
Men Luzi

---

A | *Autras formulaziuns pussaivlas:*

- Ils 5 d'october hai jau empustà tar Vus in squitschader OKI OL 400e. Fin oz n'hai jau dentant anc adina betg retschet el. Jau duvrass el urgentamain. Jau fiss engraziavel, sche Vus al pudessas trametter a mai il pli spert pussaivel. Grazia fitg.
- Avant in mais hai jau empustà da Voss catalog il squitschader OKI OL 400e (en la versiun simpla). Fin uss n'avais Vus dentant betg anc furni a mai quest apparat. Normalmain avais Vus gea in temp da furniziun da sulettamain 2 emnas. Jau fiss fitg cuntenta, sche Vus pudessas dar part a mai quant ditg ch'jau stoss anc spetgar. Jau engraziavel a Vus per Vossa chapientscha.

Cun ils megliers salids.